

استدلا

هفته ده بر دفعه نشر اولور حقوق و سیاسیاتدن باحث


عالی، ادبی مجموعه در

نومرو ۱

۴ ایلول سنه ۱۳۲۴

سنه ۵۰ (نسخه اعتباریله در سعادت ایچون ۹۰ غروش
طشره ایچون آبروجه پوسته اجرتی ضم ایدیلور

نسخه سی ۲ غروش



استانبول

محل اداره سی

باب عالی جاده سنده ۵۲ نومرولو آ. آصادوریان مطبعه سی فوقنده کی دارة مخصوصه در

۱۳۲۴

ان الله يأمر بالعدل والاحسان

جناب حق عدل ايله [حقوقده مساواته رعایت ایدوب هرذی حقه حقنی ویرمک ايله] واحسان ايله [ایملک ایتک ايله] ... امر ایدر .

ایشته عدل واحسان هیئت اجتماعیة اسلامیة نك مبنی علیی در . امر اولنان بو ایکی کلمه مقدسه بتون قوانین هیئت اجتماعیة، بتون معنای انسانی، بتون فضائل و کمالات بشریة بی مدلول و مفهومته سیغدیرمش بر دستور حکمت سیاسیة در . حاکم مطلق حضرتلری عبادینه خیر مطلق امر ایدیور، آتی اریوب سومکه و بالجملة قوای ذهنیه و قلبیه ايله اکا وصوله چالشمغه ارشاد ایدیور . بیبری برلریله حسن ائتلاف و آمیزش حالنده بولنمق، بری برلرینه دست لطف و امدادی اوزاتمق و طیفه سنی تحمیل ایدیور .

معدلت بتون فضائلک منبعی در، افراد جمعیتک ضامن جان و مال و ناموسی، جمعیتک ضابطه حیات سیاسیة سی در . معدلت ایلدرکه انسان حقوق مشروعه سینه تعبیر دیگر ايله حریت مشروعه سینه مالک اولور . معدلتدرکه عقل و وجدانک دوش کیاست و حیثیتنه تحمیل اولنان وظائف مبیجلی بی افاده رهگذارینه چیقان ستمکارانی حد معروفنه ارجاع ایدر . معدلت ایلدرکه انسانه موهبه فطرت اولان سر حریت منجلی اولور . اصول فقهدن کشف الاسرارک بیان اهلیت بابنده مسطور اولدینی ارزره قاضی ابو زید حضرتلری شویله دیور : « ذمت لغتده عهدهدن عبارتدر . جناب حق انسانی امانت الهیه سینه محل اوله رق خلق ایلدیکنندن عقل و ذمت ايله اکا اکرام ایتدی و بو اکرامه مبنی انسان له و علیه اولان حقوقک و جوبنه اهل اولمغله ذات الوهیتک « امانت » تسمیه بیوردینی حقوق اللهدن دیله دیکی حقوق انسان اوزرینه ثابت اولدینی کی بو حقوقی حامل اولمسیله کندیبی ایچونده حق عصمت و حق حریت و حق مالکیت ثابت اولدی . هیچ بر فرد انسانی خلق اولنماز الا آنک ایچون بو عهد و ذمت واردر و بناء علیه هیچ بر فرد انسانی خلق اولنماز الا حقوق مشروعه نك کندی اوزرینه و جوبنه

اهلدر. نه کیم هیچ بر فرد انسانی خلق اولنماز الا حقوقه مالک حر در. انسانک بو اعزاز و اکراملره مظهر اولمسی آنجق ذمته و حقوق الهی حامل بولمنسه مبنی در.

لکن واسفاکه حریت کله سنک مقابلی بولان کله افرنجیه معنای اصطلاحیسی اعتباریه غربدن شرقه نقل اولندیغی زمان یا تقلیدکی قصور و مسامحه یه یا خود معنای مرادی عامه جه سوء تفهم ایدلسنه مبنی عوامجه پک یا کلس تلقی اولمشدر. آداب جمعیتی اخلااله تصدی ایدن بر عامی یه نصیحت ایدلسه، بویله بر ره نازقته یه کیتمکدن منع ایدلک ایسته نلسه متنبه اولمیور. [حریت وار]. سوزیله مقابله ایدیور. کویاکه بو امتده من الازل حریت یوق ایمش. کویاکه حریت آداب و قوانین جمعیتی پایمال ایتمک ایمش. کویاکه حریت آهنگ عمومی جمعیتی اخلاال ایلیمک ایمش. حریت هر جمعیتده و هر زمان بر طاقم قیود و شروط ایله مقیددر و هر جمعیتک اقلیم و دیارینه و آداب و قواعدینه کوره شروط و قیودی واردر. سن حاز اولدیغک قوای مادیه و معنویه کی شرط و قید کوزممکسزین استعمسال ایتمک ایسترسک افراد جمعیتده سکا اویله مقابله ایدر. بونک نتیجه سی نه اولور - آسایش و حضورک فقدانی. رابطه اجتماعک انحلالی. نهایت جمعیتک محور و انقراضی. حریت نه دیمک اولدیغی عوام ناسه افهام ایتمک ناصح امت اولان مطبوعاتک اجل و طائفی در.

احسانه کلنجه : شفقت علی خلق اه کبی مکارم اخلاقک و صنعت و تجارت. تحصیل علوم، تألیف آثار نافع کبی نفع بشره تعلق ایدن امورک جمله سی معنای احسانده داخل اولدیغی علما بیان ایتمشدر در. فناری حضرت تری «فصول البدائع» ده اسباب شرائعک بیاننه دأر فصل سادسینده شویله دیور : «امور معاش و معاد بیع و شرالر ایله کسب نسق و انتظام ایدر. تجار روی ارضده جناب حقت عامللر ایدر. مقدر اولان رزق لری عبادده انلر ایصال ایدر. بلاد و امصارک عمرانی آنجق کسب ایله در. کسب، آیات جلیله فرانییه ده «ابتغاء فضل» عنوان شرفی ایله مدح و ستایش بیورلمشدر. کسب ایله درکه مزوت و انسانیت و بین الناس حسن معاشرت.

صورت پذير حصول اولور شرکتر مده احتياج بولنديني ظاهر و باهر در ، بعض کيمسه لر اولور که طرق تجارت و قوفي اولديني حالده مالی بولماز ، يا خود مالی بولنورده درجه کفایه ده اولماز ، بعضی لر ده بونک عکسنه اولور . بومقوله کسان اره سنده عقد شرکته احتياج اولديني کي آحادک يابه ميه جني بر شيشي هيئت و جمعيت يابه بيله چکي جهتنه تعاون ايچون دخي شرکتر تشکيلنه احتياج واردر .

حق صانع و دهر کارکهدر

بونده عمل اتمامک کنهدر

هر کيمسه کرک کان محملده

بو کار که ايچره بر عملده

هر کيم که عمل قيلورسه بنياد

مزديني و برر عملجه استاد

اي کار که جهان داخل

سن هم عمل ايله اولمه غافل

فضولي

ملت نجيبة اسلاميه شفقت على خلقه ايه بولنده بک چوق خدمت لر استديلر دارالافاده لر تابخانه لر خزانه الکتبلر کاورانسرايلر چشمه لر کوپريلر خسته خانه لر انشا ايلديلر .

بونک ايچون ايدى که غايه تمدن اولان آسايشده کمال بخصوصى ملک اسلامک هرجه تنده عرض چهره ايتسام ايتمش وسطوت عدل و دادينه شرق و غرب عالمي مفتون و مسحور قلمش ايدى .

جلوه قدر اولان برفاصله المحطاطدن صکره اولاد وطن اوقهرمانان مملکت سيرت پاك اسلافى ، دور احتشام عالم و عرفانى احيا ايتمکه بو کره برعزم حيدرانه ايله تشبث ايتديلر . همان جناب حق جمله مزى تمنيات عاليه و خالصه مزك حصوله موفقيت ايله شاد ايتسون .

محکمه تميز اعضاسندن

اسماعيل حقى